



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1624. usque ad annum 1627

**Fleury, Claude**

**August. Vind. [u.a.], 1778**

**VD18 90118863**

§. 37. Diversæ summi Pontificis Constitutiones.

---

[urn:nbn:de:hbz:466:1-67369](https://nbn-resolving.org/urn:nbn:de:hbz:466:1-67369)

**Sæc. XVII.** Alter erat Laurentius Magalottus patria Florentinus, primo Cardinalis Diaconus S. Mariæ in Aquiro, dein Presbyter tit. SS. Joannis & Pauli. Denique tertius Petrus Maria Burghefius nobilis Senensis, qui inter Diaconos Cardinales cooptatus, titulum sanctæ Mariæ in Cosmedin obtinuit.

## §. XXXVII.

*Diversæ summi Pontificis Constitutiones.*

*Bullar. Magn. Urban. VIII. pag. 36. Vid. Supra t. 191. §. 24. Briet. annal. Mundi hoc ann.*

Christianæ Religionis augmentum promoturus Pontifex, hoc anno varias, easque salutare condidit leges, ac primo quidem Ordinem Militarem, quem Ferdinandus Mantuæ, & Carolus Nivernii Duces unacum Adolpho Comite de Althan anno Domini millesimo sexcentesimo decimo octavo sub invocatione B. V. sine labe conceptæ & S. Francisci instituerant, die duodecima Februarii Apostolico diplomate confirmavit, & Franciscum Ubaldinum, qui de Nobilitatis antiquitate aliisque ejusmodi requisitis judicaret, constituit, *majori, uti Brietius pro more suo acerbius, pompa, quam emolumento, & cujus præter nomen nihil audire Mahometani, quorum in perniciem comparatus erat. Præterea suæ sollicitudi-*

tudinis dignam judicabat Pontifex con-  
 troversiam, quæ circa instituti sui ha-  
 bitum inter FF. Cappucinos & Recol-  
 lectos exorta erat: cum enim hi abje-  
 ctis Calepodiis soleas assumerent, at-  
 que ad Cappucinatorum normam cappu-  
 cium in acumen desinens, necnon pal-  
 lium curtum deferrent, querentibus  
 Cappucinis Papa hanc causam in Con-  
 gregatione Cardinalium discuti jussit,  
 ac indicta excommunicationis pœna  
 FF. Recollectis præcepit, ut calepo-  
 dia, Cappucium rotundum & pallium  
 oblongum reassumerent: Forte hujus  
 legis severitatem deposcebat pericu-  
 lum, ne irrepente habitum mutandi  
 libertate sensim ipsa vestis Monastica  
 in profanam degeneraret, qua de causa  
 idem Pontifex Canonicis Præmonstra-  
 tensibus in Hispania, ut pristinum ha-  
 bitum, nomenque Fratrum reassume-  
 rent, præcepit: Ceterum inter sancti  
 Francisci Alumnos hujus contentionis  
 ardorem auxisse videbatur aquirendi  
 victus sollicitudo; verebantur enim,  
 ne fideles similitudine habitus decepti  
 eleemosynas non æquali parte inter  
 eos distribuerent. Die vigesima septi-  
 ma Martii Pontifex quosdam nomina-  
 bat Præsules, qui Romæ cunctas Ec-  
 clesias, Monasteria, & Collegia visi-  
 tarent, quod quidem saluberrimum o-  
 pus

Sæc. XVII.  
 A. C. 1624.

Sæc. XVII. A. C. 1624. pus per seipsum inchoare, prosequi, & perficere optabat Pontifex, ast (ut in-  
 quiebat) *ad alia quamplurima, eaque gravissima negotia, quorum mole assidue premeretur, cogitationem convertere coactus fuerat.* Insuper alio diplomate die vigesima nona Martii omnia privilegia Equitibus sancti Joannis Jerosolymitani confirmabat, ac Jubilæum universale pro anno sequenti die decima sexta Maij indicebat, declarans, sub indulgentiarum suspensione non comprehendi indulgentiam Portiunculæ prope & extra muros urbis Assisientis, item non esse visitandas Ecclesias extra Romanæ urbis moenia sitas, eoquod aliquæ urbes in Sicilia Regno pestilentia morbo graviter afflictari cæpissent. Die autem duodecima Augusti Pontifex re mature discussa decrevit, ut Venerabilis Jacobus de Marchia Ordinis Fratrum Minorum S. Francisci de observantia deinceps Beatus nuncupari, atque Officium de eo tanquam Confessore non Pontifice ab omnibus præfati Ordinis Fratribus recitari valeat, idem quoque indultum de B. Clara de Monte Falchio Ordinis Eremitarum sancti Augustini Officium, Missamque celebrandi, hujus Ordinis Alumnis utriusque sexus die decima quarta ejusdem Mensis concessit, qua die Monachis

nachis etiam Cælestinis cuncta Con-  
 gregationis Cassinensis privilegia indul-  
 fit. Præterea die vigesima octava Au-  
 gusti revocabat omnes facultates, vi  
 quarum Religiosi monasteria absque  
 licentia Ordinarii & non servata forma  
 Tridentini & Constitutionibus Clemen-  
 tis VIII. & Gregorii XV. erigere pos-  
 sent. Oppido salutarem quoque Con-  
 stitutionem de Apostatis & ejectis, nec-  
 non de Regularium reformatione edi-  
 dit. Cum vero Gregorius XIII. &  
 Paulus V. olim monasteria Monialium  
 ingrediendi licentias partim revocaf-  
 sent, partim ad Superiorum consen-  
 sum restrinxissent, hinc Urbanus VIII.  
 die decima septima Octobris iussit, ut  
 deinceps hic consensus Monialium *ex-  
 presse, capitulariter & per secreta suffra-  
 gia* haberetur: concessit pariter die de-  
 cima nona Novembris Fratribus Jesua-  
 tis sancti Hieronymi Ordinis S. Augu-  
 stini, ut abjecto capputio albi coloris,  
 aliud coloris & normæ, qua ceteri  
 Mendicantes utuntur, gestare valeant.  
 Denique undecima Decembris die Epi-  
 scopis intra Italiam existentibus inhi-  
 buit, ne Ultramontanos extra Italiam  
 oriundos ad Sacros, neque etiam ad  
 minores Ordines promoveant absque  
 dimissorialibus Ordinariorum suorum  
 literis: Italos quoque ab alieno Epi-  
 scopo

Sæc. XVII.  
 A. C. 1624.

Sæc. XVII. scopo cum falsis dimissoriis promotus  
A. C. 1624. fori privilegio privatos declaravit.

## §. XXXVIII.

*Decreta Sacrarum Congregationum.*

*Decis. S.  
Congr. rit.  
& Episc.*

Ejusdem summi Pontificis auctoritate Patres Sacrarum Congregationum plures ediderunt Decisiones, quas inter sacra Rituum Congregatio die vigesima quinta Maij decidit, quod ille, qui habet usum insignium Pontificalium, populo tamen extra actum celebrationis benedicere haud valet: trigesima vero hujus Mensis die sacra Congregatio Inquisitionis concessit Coloniensi Nuntio Apostolico facultatem absolvendi ab hæresi in utroque foro, denuo autem sacra Concilii Congregatio die vigesima secunda Junii declaravit, quod Canonici, quibus non incumbit onus excipiendi confessiones, si pro his absint a choro, non lucrentur distributiones. Insuper die nona Augusti Fratibus Discalceatis Ordinis SS. Trinitatis, & postea die vigesima prima Septembris sacra Concilii Congregatio omnibus Regularium Superioribus inhibuit, ne suos subditos ad austeriorem Ordinem transire permittant, nisi saltem certi sint, hos recta illuc transi-